



Helse- og  
omsorgsdepartementet

# Protokoll frå føretaksmøte i Helse Vest RHF 15. januar 2025

Krav og rammer for 2025



---

## **PROTOKOLL FRÅ FØRETAKSMØTE I HELSE VEST RHF**

Onsdag 15. januar 2025 kl. 15.00 vart det halde føretaksmøte i Helse Vest RHF. Møtet vart halde som felles føretaksmøte for dei regionale helseføretaka på Radiumhospitalet i Oslo og digitalt.

### **Dagsorden**

- Sak 1 Føretaksmøtet vert konstituert
- Sak 2 Dagsorden
- Sak 3 Krav og rammer for 2025

### **Frå Helse- og omsorgsdepartementet møte**

Helse- og omsorgsminister Jan Christian Vestre

Også til stades:

Statssekretær Karl Kristian Bekeng  
Departementsråd Cathrine M. Lofthus  
Ekspedisjonssjef Cathrine Meland

### **Frå styret i Helse Vest RHF møte**

Styreleiar Agnes Landstad  
Nestleiar Oddvar Kaarbø  
Hege Solbakken  
Anne Karin Hamre  
Geir Arne Sunde  
Linda Gangstø  
Tord Anton Haaland  
Kristin Reitan Husebø  
Wenche Røkenes

### **Frå administrasjonen i Helse Vest RHF møte**

Administrerande direktør Inger Cathrine Bryne

### **Andre til stades**

Riksrevisjonen var varsla i samsvar med lov om Riksrevisjonen § 13, men deltok ikkje.

Observatørar i styret i Helse Vest RHF frå brukarutvalet, Atle Lunde og Linda Haugland, var også invitert og deltok i møtet.

---

## Sak 1 Føretaksmøtet vert konstituert

Helse- og omsorgsminister Jan Christian Vestre ønskte, som øvste eigarmyndigheit og møteleiar, velkomen. Han spurde om det var merknader til innkallinga. Det var ingen merknader til innkallinga.

### Føretaksmøtet vedtok:

*Innkallinga er godkjent. Føretaksmøtet er lovleg sett.*

Styreleiar Agnes Landstad og helse- og omsorgsminister Jan Christian Vestre vart valde til å godkjenne protokollen.

## Sak 2 Dagsorden

Helse- og omsorgsminister Jan Christian Vestre spurde om nokon hadde merknader til dagsorden. Det var ingen som hadde merknader til dagsorden.

### Føretaksmøtet vedtok:

*Dagsorden er godkjent.*

## Sak 3 Krav og rammer for 2025

### 3.1 Oppdraget for 2025

Det vart vist til oppdragsdokumentet for 2025. Det vart lagt til grunn at dei regionale helseføretaka set i verk nødvendige tiltak for å innfri krava i oppdragsdokumentet og føretaksmøtet, innanfor dei juridiske, økonomiske og organisatoriske rammene som gjeld for helseføretak.

Den viktigaste prioriteringa for dei regionale helseføretaka i 2025 er arbeidet med å redusere ventetidene, jf. Ventetidsløftet.

### 3.2 Økonomiske krav og rammer

#### 3.2.1 Økonomisk resultatkrav

Styring og kontroll med ressursbruken er avgjerande for å kunne gjere dei riktige faglege prioriteringane og sikre god kvalitet i pasientbehandlinga. Dei regionale helseføretaka må sørge for effektiv ressursutnytting og god økonomistyring.

- Føretaksmøtet la til grunn at dei regionale helseføretaka innrettar verksemda innanfor økonomiske rammer og krav som følger av Stortinget si behandling av Prop. 1 S (2024–2025), føretaksmøtet og oppdragsdokumentet for 2025, slik at sørge for-ansvaret vert oppfylt og det vert lagt til rette for ei berekraftig utvikling over tid.

#### 3.2.2 Endring i driftskredittramma

Når det er tatt omsyn til endringar i Prop. 23 S (2024-2025) *Endringar i statsbudsjettet 2024 under Helse- og omsorgsdepartementet*, var samla ramme for driftskreditt ved inngangen til 2025 på 25 243 mill. kroner. I Prop. 1 S (2024-2025) er det lagt til grunn ein samla pensjonskostnad på 18 050 mill. kroner og pensjonspremiar på 26 800 mill. kroner. Dette gir i utgangspunktet eit likviditetsbehov svarande til 8 750 mill. kroner. Det er lagt til grunn at helseføretaka skal nytte 2 000 mill. kroner frå premiefond til premiebetaling i 2025. Sidan det

ikkje vert lagt arbeidsgivaravgift på den delen av pensjonspremien som vert betalt frå premiefond, vert likviditetsbehovet redusert med 282 mill. kroner. Gjenstående likviditetsbehov på 6 468 mill. kroner vert dekt gjennom ein auke av driftskredittramma frå 25 243 mill. kroner til 31 711 mill. kroner ved utgangen av 2025. Auken i driftskredittramma vil bli gjort pr. 1. februar og 1. august.

- For å handtere nødvendig likviditet til betaling av pensjonspremiar, får Helse Vest RHF høve til å nytte 384 mill. kroner frå premiefond til premiebetaling i 2025. Vidare vert driftskredittramma til Helse Vest RHF auka med 1 243 mill. kroner frå 4 961 mill. kroner til 6 204 mill. kroner ved utgangen av 2025.

### 3.2.3 Investeringslån

Føretaksmøtet viste til endra vilkår for lån, som gjeld frå 1. januar 2025, og oppdatert låneinstruks som er sendt til dei regionale helseføretaka.

Gjenstående lånerammer er oppgitt per 1.12.24. Da er det justert for byggekostnadsindeksen til og med november 2024. For nye prosjekt i 2025 er låneramma oppgitt per 1.7.24, jf. Prop. 1 S. (2024–2025).

#### *Nye lånerammer*

- Helse Vest RHF vert tildelt låneramme til fase 1 av byggetrinn 2 av nye Stavanger universitetssjukehus i Helse Stavanger HF med 1 405 mill. kroner (pr. 1.7.24). Lånet vil bli utbetalt i takt med framdrifta i prosjektet.
- Helse Vest RHF vert tildelt låneramme til ombygging av Årstadhuset ved Haukeland universitetssjukehus i Helse Bergen HF med 611 mill. kroner (pr. 1.7.24). Lånet vil bli utbetalt i takt med framdrifta i prosjektet.

#### *Tidlegare vedtatte lånerammer*

- Lån til utbygging av trinn 2 ved Haugesund sjukehus i Helse Fonna HF er vedtatt med ei øvre ramme på 722 mill. 2022-kroner. Resterande låneramme pr. 1.1.25 utgjør 384 mill. kroner (pr. 1.12.24).
- Lån til å etablere protosenter ved Haukeland universitetssjukehus i Helse Bergen HF er vedtatt med ei øvre ramme på 907 mill. 2018-kroner. Gjenstående låneramme utgjør 66 mill. kroner og vil bli utbetalt i 2025.

- Oppdaterte lånerammer vert lagt til grunn for dei regionale helseføretaka.

### **Føretaksmøtet vedtok:**

*Krav og rammer leggjast til grunn for styrets arbeid i 2025.*

#### Protokolltillegg frå følgjande styremedlemmer:

Helse Nord RHF: Martin Øien Jenssen, Sissel Alterskjær og Kari Baadstrand Sandnes  
Helse Midt-Noreg RHF: Lindy Jarosch-von Schweder, Anita Solberg og Tore Brudeseth  
Helse Vest RHF: Wenche Røkenes, Geir Arne Sunde og Linda Gangstøe  
Helse Sør-Aust RHF: Lasse Sølberg og Irene Kronkvist

*«Vi er glad for, og deler helseministerens forventninger til, seks viktige punkt i oppdragsdokumentet:*

- *Faglig autonomi, tillit, medbestemmelse og utviklingsmuligheter*
- *Godt og trygt arbeidsmiljø*
- *Investere i fysiske fasiliteter og medisinsk utstyr*
- *God ansvars- og oppgavedeling*
- *Rekruttering og kompetanseutvikling*

- *Fange tidstyver*

*For å finne de beste løsninger og tiltak for å nå målsetningene vil vi påpeke at det er viktig å sikre ett godt partssamarbeid helt ut i organisasjonene.»*

Møtet vart heva kl. 15.25.

Oslo, 15. januar 2025

Jan Christian Vestre  
helse- og omsorgsminister

Agnes Landstad  
styreleiar

*Protokollen er elektronisk godkjent og har derfor ikkje handskrivne signaturar*